



Тошкент

ГАЗЕТА 1928 ЙИЛ 11 ДЕКАБРДАН ЧИҚА БОШЛАГАН

ҲАҚИҚАТИ

ЎЗБЕКИСТОН КОММУНИСТИК ПАРТИЯСИ ТОШКЕНТ ВИЛОЯТ ҚЎМИТАСИ,
ХАЛҚ ДЕПУТАТЛАРИ ТОШКЕНТ ВИЛОЯТ КЕНГАШИНИНГ БОШ НАШРИ

• 1991 йил 5 январь • шанба •
• № 4 Баҳоси 10 тийин.

10. 000 СОН



«Шарқ ҳақиқати»нинг 1-сони. 1928 йил 11 декабрь.

Довон сари қадамба—қадам

РЎЗНОМАЛАРНИНГ ўзига хос йўли, манзили, доволари бўлади. «Тошкент ҳақиқати» рўзномаси ҳам бундан мустасно эмас. У ўзига хос бир даврда таваллуд топди, ўсди, балоғатга етишди. Тўғри, ижтимоий, сиёсий, иқтисодий жараёнлар бир хил мақомда бўлгани йўқ. Гоҳо мушкулотларга дуч келинди, гоҳо мақсад сари олға қараб интилиш бўлди.

ҚАНДАЙ бўлишдан қатъий назар бугун «Тошкент ҳақиқати» рўзномаси шарафли ва шонли йўлни босиб ўтиб, ўзининг мавлудий ўн мингинчи сонига етиб келди.

Келинлар, ўтмишга бир назар ташлайлик. ...1928 йилнинг 11 декабри эди ўшанда. Муштарийлар қўлига янги рўзнома етиб борди. Унинг номи «Шарқ ҳақиқати» эди. Янги рўзнома бош сарлавҳаси остида «Тошкент округ фирқа қўмитасининг, округ ижроия қўмитасининг ва округ касаба союзлар шўросининг нашр афкори» деган сўзлар ҳам кўзга ташланарди. «Шарқ ҳақиқати»нинг биринчи сонига босилган «Газетамиз-

нинг чиқарилиши муносабати билан» деб аталган бош мақолада шундай дейилган эди: «Ҳозирги кунимизда кечирадурғон давримиз бутун шўро иттифоқи пролетариати ва фирқамизнинг турмушида катта аҳамиятга эгадир... Ҳозирги кечирган давримизда бундай ташкилотчига эҳтиёж жуда ҳам каттадир... Газетамиз турмушнинг талабидир».

«Шарқ ҳақиқати» чоп этила бошлаган давр чиндан ҳам ўзига хос эди. Инсон ўз даврининг фарзанди бўлгани каби, матбуот нашрлари, жумладан, рўзномалар ҳам ўз даврининг маҳсулиги мавқеидан.

(Давоми бешинчи бетда).

«ТОШКЕНТ ҲАҚИҚАТИ» ТАҲРИРИЯТИ ЖАМОАСИГА

Бугун вилоятимиз ижтимоий-сиёсий ҳаётида катта воқеа — «Тошкент ҳақиқати» рўзномасининг ўн мингинчи сони босмадан чиқди.

«Шарқ ҳақиқати» номи билан жанговар сафга кирган ва «Тошкент ҳақиқати» номи билан камол топган рўзнома ёш совет ҳокимиятини мустаҳкамлаш, ижтимоий-иқтисодий ҳаётни социалистик негизда қайта қуриш, янги инсонни камол топтиришдек муҳим вазифаларни бажаришда пойтахт вилояти партия ташкилотининг ва халқ депутатлари вилоят кенгашининг яқин ёрдамчиси сифатида фаолият кўрсатиб келмоқда.

Рўзнома тарихий йўлни босиб ўтди. 20-йилларнинг охирида уни ташкил этишда ва жанговар минбарга айлантиришда Абдулла Қодирий, Ғафур Ғулом, Мақсуд Шайхзода, Сотти Ҳусайн каби атоқли қаламашларнинг хизмати ғоят катта бўлган эди. Жанговарлик, ҳаққонийлик ва халқчиллик каби ноёб фазилатлар журналистларнинг ёш авлодига шу ардоқли адиллардан мерос бўлиб қолди.

Рўзнома ўз фаолияти давомида коллектив тарғиботчи, коллектив ташвиқотчи, коллектив ташкилотчи сифатида бурчини ҳалол ўтаб келмоқда. Октябрь гояларини рўёбга чиқаришда, меҳнаткашларни коммунистик руҳда тарбиялашда, уларни ҳўжалик ва маданий қурилиш вазифаларини муваффақиятли бажаришга сафарбар этишдаги самарали ишлари учун у «Меҳнат Қизил Байроқ» ордени билан тақдирланди. Бу му-

кофот кўпсонли журналистлар ва жамоатчи мухбирлар хизматининг ёрқин эътирофидир.

Рўзнома эндиликда камолот ёшига етиб журналист кадрларни тарбиялашда ўзига хос маҳорат мактабига айланиб бормоқда. Ўз фаолиятини «Тошкент ҳақиқати»да бошлаган кўплаб журналистлар бугунги кунда жумҳурият оммавий ахборот ва тарғибот воситаларида самарали меҳнат қилмоқдалар.

Вилоятимиз меҳнаткашлари, барча муштарийлар рўзномани халқ минбари, ҳақиқат ва адолат посбони сифатида қадрлайдилар, унга ишонч кўзи билан боқадилар. Рўзнома учун халқ ишончидан ҳам юксакроқ мукофот йўқ назаримизда. Қайта қуриш жараёнида рўзнома шакли ва мазмунини янада бойитиш, жанговарлиги ва таъсирчанлигини ошириш талаб этилмоқда. Барча ишларни КПСС XXVIII съезди, Ўзбекистон Компартияси XXII съезди қарорлари асосида ташкил этиш, янгиланиш жараёнини жадаллаштиришга хизмат қилиш, кадрларимизни улуглаш рўзноманинг муҳим вазифаларидандир. Ўйлаймизки, рўзноманинг аҳил жамоаси, кўпсонли жамоатчи қаламашлари ўз фаолиятларини янги талаблар асосида ташкил этадилар, «Тошкент ҳақиқати» халқимизнинг энг сеvimли нашрларидан бири бўлиб қолишига эришадилар.

Таҳририят аъзолари, журналистлар, муаллифлар ва барча муштарийларни рўзноманинг ўн мингинчи сони билан қутлаймиз, янги ижодий парвозлар тилаймиз!

ЎЗБЕКИСТОН КОММУНИСТИК ПАРТИЯСИ ТОШКЕНТ ВИЛОЯТ ҚЎМИТАСИ
ХАЛҚ ДЕПУТАТЛАРИ ТОШКЕНТ ВИЛОЯТ КЕНГАШИ.

ФАХРИЙ ЁРЛИҚ МУБОРАК!

Ўзбекистон Компартияси Тошкент вилоят қўмитаси, халқ депутатлари Тошкент вилоят Кенгаши ижроия қўмитаси «Тошкент ҳақиқати» рўзномаси таҳририятида ҳалол ва самарали ишлаганлиги учун ҳамда рўзноманинг ўн мингинчи юбилей сони чиқиши муносабати билан қуйидагиларни Фахрий ёрлиқлар билан мукофотлади: Зиёд ЕСЕНБОВЕВ, Зарифа ЭШОНХОНОВА, Нуъмон НАСИМОВ, Раҳимберди УМАРОВ, Мирсобир МИРҲАМИДОВ, Миржалол МИРАЛИЕВ, Ғустам ҒАНИЕВ, Кумуш ЭГАМБЕРДИЕВА.

Мукофотларни кеча Ўзбекистон Компартияси Тошкент вилоят қўмитаси котибаси Ш. Н. Маҳмудова топширди.



РЎЗНОМА ТАҲРИР ҲАЙЪАТИ.

Сураткаш В. ТУРАЕВ.

• Бизни қутлайдилар

«ТОШКЕНТ ҲАҚИҚАТИ» РЎЗНОМАСИ ЖАМОАСИГА

«Тошкент ҳақиқати» рўзномасининг ўн мингинчи сони чиқиши муносабати билан бутун жамоани, рўзнома атрофига уюшган минглаб фаолларни қизгин табриклаймиз ва қутлаймиз.

Рўзнома катта ва шонли йўлни босиб ўтди. Пойтахт вилоятининг йирик sanoat, қишлоқ хўжалиги, илмий ҳамда маданий марказга айланишида рўзноманинг ҳам катта хизмати бор. «Тошкент ҳақиқати»нинг ўтмишдоши бўлмиш «Шарқ ҳақиқати» саҳифаларида Ҳамид Олимжон, Абдулла Қодирий, Ғафур Ғуломдек улўғ алломаларимизнинг бе-такрор услублари келгуси авлодлар учун бир умрга муҳрланиб қолган. Жамоа аъзолари ўз орасидан Ўзбекистон матбуотининг иқтидорли ташкилотчиларини етиштириб берганлиги билан фахрланса эришди.

Жумҳуриятимиз иқтисодий ва сиёсий мустақиллик сари одим ташлаётган ҳозирги пайтда матбуот сўзининг салмоғи айниқса ошмоқда. Меҳнат аҳли ўзини ҳаяжонга солаётган саволларга жавоб қутмоқда. Вилоят партия ташкилоти, совет, хўжалик органлари, ижтимоий уюшмалар олдида ҳозирги пайтда турган қийин ва мураккаб вазифаларни кенг халқ оmmasига тушунтиришда, меҳнаткашларни белгиланган режаларни амалга ошириш ишига сафарбар этишда рўзнома қалам-кашларига жўшқин илҳом, юксак ижодий парвозлар тилаймиз.

«СОВЕТ ЎЗБЕКИСТОНИ» РЎЗНОМАСИНИНГ ТАҲРИР ҲАЙЪАТИ.

• МУБОРАК БЎЛҒАЙ!

«Тошкент ҳақиқати» рўзномасининг ўн мингинчи сони чиқарилиши, деган хушхабар олдиқ. Демак, рўзнома бир туман бўлибдир. Вилоят туманларига туб ёзган, муштарийлар қалбини забт этган рўзнома табаррук нашрлар қаторидан ўрин олмиш. Бу — муҳаққақ ҳол. Боиси — рўзнома вилоят аҳлини, нафақат пойтахт, балки қўшни вилоятлар аҳлини ҳам ёрқин келажакка йшонч руҳида, она-юртга меҳр, меҳнатга муҳаббат, инсонийлик руҳида тарбиялаш ишига ҳисса қўшиб келди. У ўз саҳифаларида вилоятимизда барча жабҳаларда қўлга кириштирилган ютуқлардан ташқари, мавжуд камчиликлар, ижтимоий, иқтисодий, сиёсий ҳаётда йўл қўйилаётган саҳалар ҳақида ҳам рўй-рост сўзлаб келди. Бу — жасорат бўлиб, унда муҳаррират жамоасининг ўрни алоҳида. Кўп йиллардан буён қалам тебратётган кекса журналистлар, улардан ўрнак олиб, ҳаётни ўрганаётган, уни адолат торо-зусига солиб ёритаётган ўнлаб ёш қаламкашларнинг меҳнати белгилаб берди ушбу ўринни.

Севимли рўзномамиз олдида мушкул вазифалар турибди. Янги шароитларда эгалланган мавқеида мустақкам туриш, меҳнаткашларни битилган ҳар бир сўзига ишонтириб, ўз ортидан бошлаб бориш ижодий жамоанинг муқаддас бурчидир.

ЎЗБЕКИСТОН ЖУРНАЛИСТЛАР УЮШМАСИ БОШҚАРУВИ.



1963 йил. «Тошкент ҳақиқати» таҳририятида. (Рўзнома бисотидан).

1953 йил декабрь ойининг сўнги кунлари эди. Тошкентда янги йилдан вилоят рўзномаси чиқарилиши деган овоз тарқалди. Кўп ўтмай бу гапнинг тўғрилиги тасдиқланди. КПСС Марказий Қўмитаси «Тошкент ҳақиқати» ва «Ташкентская правда» рўзномаларини ташкил этиш ва 1954 йил бошидан нашр этиш ҳақида қарор қабул қилди. Мени 2 январь кuni Марказқўмга таклиф этишди. Уша пайтда «Қизил Ўзбекистон» рўзномасида муҳаррир ўринбосари бўлиб ишлардим. Марказқўмининг биринчи котиби Аминжон Эрматович Ниёзов ва Тошкент вилоят қўмитасининг биринчи котиби Ориф Алимов ўртоқлар мен билан суҳбатлашиб, сизни янгидан ташкил этилаётган «Тошкент ҳақиқати» рўзномасининг муҳаррири этиб тайинлаш ҳақида бюрога таклиф қилди. Тамиз дейишди ва рўзноманинг биринчи сонини албатта вилоят партия конференцияси очилаётган кунга — 9 февралда чиқаришдек қарор масъулиятли ва шарафли вазифани топширишди.

Шундай қилиб 1954 йил 8 январда «Тошкент ҳақиқати»нинг муҳаррири этиб тасдиқландим. Рўзноманинг 9 февралда чиққан ilk сонини тайёрлашда ва ундан кейинги дастлабки сонларини чиқаришда муҳарририятда атғи 11 киши ишларди. Булар — таниқли журналистлар Санжар Тиллаев, Адҳам Раҳматов, Назармат Эгамназаров, Аъзам Мирбобоев, Асом Исҳоқов, Шобарот Кузанбоев, мусахҳиҳлардан Фарид Усмонова, Эътибор Мамажонов, Солиҳа Каримова, Фарид Байкова ўртоқлардан иборат чарчаш нималигини билмайдиган рўзноманинг жонқуяр фидойи ходимлари эдилар. Уша кунни ҳаммалари тонг отгунча ишхонада қолиб кетишди: Нимасини яширай, «Тошкент ҳақиқати»нинг биринчи сони 9 февраль кuni эрталаб конференция очилди.

ладиган ҳфзирги «Баҳор» концерт залига кириб борганидан, муҳарририятга жуда кўп табрик телеграммалари келганидан, кетма-кет телефон қўнғироқлари бўлганидан қарат хурсанд ходимларимизнинг қалблари севинчларга тўлиб-тошган, чарчоклар тарқалиб кетганди.

Уша кунларга мана 37 йил бўлибди. «Тошкент ҳақиқати» шу давр ичида ўсиб, улғайиб, қанот ёзиб жумҳуриятимизда энг обрўли, таъсирчан, ўқимишли рўзномаларнинг бирига, қудратли ташкилотчи, ижодий кучга, жўшқин ҳаётимиз ойнасига, журналист кадрларни тайёрлаб берадиган улкан ижодхонага айланди.

Ўзининг ўн мингинчи сонини нишонлаётган бу жонажон рўзнома мен учун ҳам ижод мактаби, жўшқин дорилфунун вазифасини ўтади. Менинг энг қувончли йигитлик даврим, ижодий изланишларим, садоқатли шогирдлар ва ажойиб дўстлар орттирган йилларим шу муқаддас даргоҳда ўтди.

Таниқли ёзувчи, атоқли журналист, ССЖ Иттифоқи миқёсидаги шахсий пенсионер Мақсуд Қориев ҳам шу рўзномада бўлим мудирлиги вазифасида ишлаб камол топди, ўша ердан ижодий парвоз қилди, йигирма йилдан ортқ «Совет Ўзбекистони» рўзномасини бошқарди. Сановат ва қурилиш бўлимининг мудир бўлган таниқли журналист ва публицист Исмоил Сулаймонов кейинчалик шу рўзноманинг муҳаррир ўринбосари, «Сирдарё ҳақиқати», вилоят рўзномасининг муҳаррири, жумҳурият «Қишлоқ ҳақиқати» рўзномасининг биринчи муҳар-

рири вазифаларида ишлаб, ўзининг ташкилотчилик қобилиятини кўрсатди. Ахборот бўлимини бошқарган Тўлаган Нажмиддинов «Ўзбекистон қишлоқ хўжалиги» ойномасининг муҳаррири, ҳозир эса «Совет Ўзбекистони» рўзномаси бош муҳаррирининг ўринбосаридир.

«Тошкент ҳақиқати»га мусахҳиҳ бўлиб ишга кирган Рўза Қосимова узоқ вақт Фарғона вилоят партия қўмитасининг котиби, сўнгра вилоят радио эшиттириш бошқармаси, бошлиғи, адабий ходим бўлиб ишлаган Собиржон Шокаримов Андижон вилоят «Коммунист» рўзномасининг муҳаррири вазифасида ишлашди. Ажойиб шоир, журналист Назармат жуда кўп китоблар чиқариб мухлисларини хурсанд қилди. Шу рўзномада мусахҳиҳ бўлиб иш бошлаган Нуъмон Насимов эса мана ўн бир йилдирки, «Тошкент ҳақиқати»га раҳбарлик қилиб келмоқда. Бу ажойиб жамоанинг дошқозонида қайнаб, ижод мактабидан ўтган қалам соҳибларининг ҳаммасини бирма-бир санаб ўтиш қийин, албатта.

Мен «Шарқ ҳақиқати»нинг давомчиси бўлиб 1954 йилнинг 9 февралдан чиқиб келаётган «Тошкент ҳақиқати»нинг ижодий жамоасини рўзноманинг ўн мингинчи сони чиққан кунда самимий табриклайман, уларга бардам саломатлик ва янги зафарлар тилайман.

Зиёд ЕСЕНБОВ,
«Ўзбекистон матбуоти» ойномасининг бош муҳаррири.

• Бизни қутлайдилар

ЗАҲМАТЛИ МЕҲНАТ МАҲСУЛИ

Партия ходимларидан бири Тошкент районидagi Навоий номли жамоа хўжалигининг донгдор соҳибкорини ажойиб меҳнат ғалабаси билан қутлаб, қандай илтимоси, таклиф-мулоҳазалари борлигини сўраганда у:

— «Тошкент ҳақиқати»да суратим босилиб чиқса бошим осмонга етарди, — деб жавоб қилибди.

Бу рўзнома вилоят меҳнаткашлари ҳаётига қанчалик чуқур кириб борганлиги, уларнинг ишончи, муҳаббатини қозонганлигининг ёрқин намунаси. Унинг 10 мингинчи сони муносабати билан юқоридаги воқеа ҳаёлимизда қайта жонланди. Эҳ, ҳе, пойтахт вилоят тарихининг ўзига хос солномаси бўлмиш жонли саҳифаларда қадами қўтлўғ, нияти улўғ қаламкашларнинг заҳматли меҳнати мужассам. «Тошкент ҳақиқати» ўзининг шонли йўлига, анъаналарига, минг-минглаб ўқувчиларига эга. Мен рўзнома моҳирона саҳифаланаётгани, тех-

ник беағи, долзарб муаммолар хусусидаги мақолалардан ташқари бу иноқ, ижодий жамоа ўзига хос кадрлар ўчоғи эканлигини алоҳида таъкидламоқчиман. Меҳрибон мураббий, марҳум Аҳмад Исмоилов, серқирра ижодкор Усмон Жонгитов, қадами етган ерда аъло кайфият улашувчи Зариф Муҳаммаджонов ва айни кунларда анъанани собит давом эттираётган Носир Рихсиев, Раҳимберди Умаров, Мирсобири Мирҳамидовларнинг кўплаб шогирдлари жумҳурият матбуоти, радио ва телевидениесида меҳнат қилишмоқда.

«Қишлоқ ҳақиқати» ижодкорлари номидан ҳамкасбларимизни байрам сон билан самимий табриклаймиз. «Тошкент ҳақиқати» янги йилда ҳам халқимиз ўртасида қўлма-қўл бўлаверсин.

Неъмат ЕҚУБОВ,
«Қишлоқ ҳақиқати» рўзномасининг муҳаррири.

«ТОШКЕНТ ҲАҚИҚАТИ» РЎЗНОМАСИ ТАҲРИРИЯТИГА

«ТОШКЕНТ ҲАҚИҚАТИ» рўзномаси таҳририяти жамоасини ҳамда унинг кўп минг сонли муштарийларини рўзноманинг 10 мингинчи сони чиқиши муносабати билан қизгин табриклаймиз.

Рўзнома Тошкент вилояти доирасидагина эмас, айни пайтда жумҳурият доирасида ҳам шуҳрат қозонди, чунки бунга у ўз материалларининг рангбаранглиги, серқирраллиги, таъсирчанлиги, одамлар қалбига йўл топа билиши туфайли мушарраф бўлди.

Қайта қуришнинг ҳозирги мураккаб ва зиддият-ли онларида ҳам «Тошкент ҳақиқати» рўзномаси ўз анъаналарига содиқ бўлгани ҳолда, халққа ҳақиқат сўзини етказмоқда, фуқароларни аҳилликка, дўстликка ва ҳамжиҳатликка чорламоқда.

Сизларга ҳамиша омад ёр бўлсин, азиз ҳамкасблар!
ЎЗБЕКИСТОН АХБОРОТ АГЕНТЛИГИ ЖАМОАСИ



Бир шингил табассум

ҚИЗИҚ ОДАМ...

● РЎЗНОМАМИЗНИНГ адабиёт бўлимига бир неча йилдан бери мудирлик қилиб келаётган Рустам Ғаниев қалами пухта журналист. Босиқ, камтар инсон. Ҳамisha майда-чуйда гаплардан нари юради. Уй-жой олиш учун ўн икки йил навбатда турди. Шу орада беш фарзанди, умр йўлдоши билан Тошкентнинг кўп даҳаларига кўчди. Ҳар гал ижара турган жойдан кўчаётганида ташвишга ботар, ичидан эзилаётгани сезилиб турарди. Биз эса унга тасалли берардик. Идораларга хат билан мурожаат қилишида кўмаклашиб, бардош тилардик. Ўтган йилнинг сўнгги

ойлари ҳамкасбимиз учун хайрли келди. Унга жуда катта қулайликлари бўлган олти хонали квартира беришди. Калитини қўлга олган кўни ҳаммамиз қувониб, уни табрикладик.

— Раҳмат,— дедию, лекин чехрасида унчалик қувонч сезилмади. Сабабини суриштирсак:

— Яна ташвишга қолдимку,— деди.

— Нима бўлди?— сўрадик ундан.

— Олти хонали уйни тўлдиришнинг ўзи бўладими,— деди у кулиб.

Ҳамкасбимизнинг ташвишидан хайратландик. Дарҳақиқат, қизиқ одам...

● ҲОЗИР меҳнат гаштини сураётган Тошкентдаги маҳалла қўмиталаридан бирига раислик қилаётган ҳамкасбимиз — Абдор Шайхов билан илгари бир бўлимда ишлаганмиз. Муҳарририятда Абдор ака ўқимишли мақолалар, фелъетонлар муаллифи сифатида ҳурмат топган қаламқаш, очиқ кўнгил, аскияни жону-дилидан севадиган дилқаш инсон сифатида танилган эди. Шикоят билан келган кишиларнинг кўнгилни топиб гапириш, азият чекканларга ёрдам кўрсатишга доимо интилишлари билан бизларга ибрат кўрсатардилар. Ҳатто, астойдил ажрашмоқчи бўлиб келган эр-хотинлар А. Шайхов суҳбатидан кейин кўзларида севинч ёшлари билан ярашиб чиқиб кетганларига гувоҳ бўлганман.

Шунақаси ҳам бўлади

Абдор ака ана шундай диққатли масалаларни ҳал қилиш жараёнида сигаретани кетма-кет — бирини чекиб бўлишлари билан иккинчисини, ундан кейин учинчисини улаб чекаверардилар. Эр-хотин ярашган бўлса суюнганларидан ҳам шу алфозда чеккишни давом эттиравардилар. Бир кўни тушга яқин дабдурустдан ёнларидаги ташландиқ қоғозлар идишидан ярим метрча юқорига кўтарилиб олов ёна бошлади.

— Абдор ака, эҳтиёт бўлинг, ёняпти,— дедиму, тез ўтиб ўчиришга тушдим.

— Ие, даюс, ёнганини сезмабманам,— дедилар Шайхов жойларидан қимирламай.

Мен ўтти ўчириб бўлдим. Жойимга ўтатуриб Абдор ака анчадан буён столга эгилган ҳолда ёзаётган материалнинг сарлавҳасига кўзим тушиб қолди: «Болаларни гугурт ўйнашдан сақланг...»

Бейхтиёр кулиб юбордим. Абдор ака буни сездиларда:

— Шунақаси ҳам бўлади, — деб қўйдилар жилмайиб.

Сандвали ҲАСАНОВ.



«Тошкент ҳақиқати»ни мана шу ижодкорлар тайёрлашади. В. Тўраев ва Ж. Алихўжаевларнинг сурат-дастаси.

Султон АКБАРИЙ.

ҚАЙНАШЛАРИМ СЕНГА, ҲАҚИҚАТЧИ

Менинг бешигимни алла тебратди, менинг эшигимни мат-баа очиб берди. Ақлимни танибманки, умр гулшани матбуот даргоҳида ўтди. Минг қатла шукр, бирдан кам, бирдан кўп бўлганим учун. Агар ёшлик мардоналигини қайтариб берсалар, уни яна беҳаловат редакция ишига сарфлардим бадас-тир.

Қийин кунларда бошимни силаган, кўнглимни кўтарган «Тошкент ҳақиқати»дан мен умрбод рози. Янгидан тикланган «Гулистон» жаридасининг дастлабки сонларида (мен унинг саркотиби эдим) «Темур тузуқлари»ни босиб, хайрли ишнинг гуноҳкорларидан бири сифатида емаган сомсага пул тўлаганимда «шаккок»ни иссиқ бағрига олган ана шу марди майдон бўлди. Яхшиликни унутганини туз уради. Чироқ тутганининг қўлини ўпмаслик ўтакетган худбинликдир. Шу-шу Тошкент вилоятининг ҳақиқатгўйига эътиқодим баланд. Қирқ йилки, мен шу рўзноманинг фаол муҳбири ва муштарийи. Бир қалам йўнғувчи сифатида хизматига камарбаста, мудом «лаб-бай!» деб тўрурман.



Замоннинг равиши ўзгарди. Янгиланиш шарофати ила халқ асфальт кўчанинг ўртасига тушиб олганда ҳамд-сано юракка сиймайди. Лекин мен аҳдимни синдирмайман: «Тошкент ҳақиқати»га ўзбекона қуллук қиламан. Раҳмат, мевали дарахт! Шоирнинг қаламравида сўз мулкидан бошқа ер-сув, от-улов йўқ. Қайнашларим сенга сарупо ўлсин!

Рўзномани робот, компьютер эмас, тирик одам ясайди, асалари кўзанагига монанд мия ҳужайралари ясайди. Шу боис унинг ҳар бир ҳарфи зиё, ҳар бир сўзи кимё. Инсоннинг ўз тақдиридан юқори туриши, ўз фаолиятдан қониқмай, эртани соғиниши рўзнома саҳифаларида намоён бўлур. У сергак, пурҳикмат солиномачидир.

Ҳай-ҳай, ёмон кўздан, алҳазар, мана энди суюкли рўзноманинг 10.000 — табаррук сони ҳам чиқибди. Кўзга суртгулик, бинойи. Ундан юзлаб қаламкашларнинг нафаси гуркираб тургандек. Рўзнома қолипловчиси Шомилдан тортиб редакция ветерани Назарматнинг нафасига. Собик жонбоз муҳаррирлар Зиёд Есенбоев билан Мақсуд Қориевнинг файзига. Аҳмад Исмоилов ва Босит Халилнинг руҳлари шод бўладиган сон. Давлат тили мақоми берилган ўзбекчада хуш суҳан билан чоп этилган кўркли, тарихий сон. Балли, ҳамкасб дўстлар, умрлари ва ижодларига барака!

Ҳақиқатчим, ҳақиқат йўлари тошлидир,
Кими ҳақдан айрилса, кўзлари ёшлидир.
Ҳақростлик удумин тут кўкдан тош ёғилса ҳам,
Бу кунлар ўтар-кетар, инсон энг бардошлидир.

Етимнинг бошин сила, ғарибга қарам айла,
Булутлар тарқалажак, гўмбози қуёшлидир.
Буюр, очик эшигинг сари борсин юкнуб,
Султон Акбарий токи маошсиз, маошлидир.



1965 йил. Машҳур қирғиз ёзувчиси Чингиз Айтматов ўзбекистонлик бир гуруҳ қаламкашлар билан. (Рўзнома бисотидан).

• Бизни қутлайдилар

Ўткир ҲОШИМОВ.

ЙЎЛ БОШИДА

Биринчи ҳикоям «Тошкент ҳақиқати»да 1963 йил 17 апрель кунини чиққан. Демак бу рўзнома менга оқ фотиҳа берган. Гап фақат бунда ҳам эмас. Шароит шундай бўлганки, шу рўзнома — «Тошкент ҳақиқати»да ишлаганман. Тушгача ўқиб, тушдан кейин... Ўша йиллари ҳолатимни тўғри тушунган, ишга ҳар кун кечикиб келганим, баъзан келмай

қолганим учун қойинмаган устозларим — марҳум муҳаррир Аҳмад Исмоиловдан, бўлим мудиримиз, шоир Назармат акадан, Исмоил ака Сулаймоновдан, хуллас таҳририят меҳнат жамоасидан чуқур миннатдорман. Улар олдида ҳамон ўзимни қарздор деб биламан. Бу йиллар мобайнида кўп сувлар оқиб ўтди. Рўзнома қўл қаламкашларни учирма қилиб, ижод йўлига олиб чиқиб қўйди. «Тошкент ҳақиқати» ўн мингларча газетхонларнинг сеvimли рўзномасига айланди.

Йўл бошида туриб, бошимни силаган рўзномага таъзим қиламан. Унинг ўқувчилари яна ҳам кўпайишини, «Тошкент ҳақиқати» яна ҳам сеvimли нашр бўлишини истайман.

ЧИН ҚАЛБДАН

«Тошкент ҳақиқати»нинг ўн мингинчи сони чиқиши муносабати билан рўзнома таҳрир ҳайъати, барча ходимлари ва жонқуяр фаолларини самимий муборакбод қиламиз. Унинг ҳар бир сони жумҳуриятдаги энг йирик пойтахт вилояти йилномасининг ўзига хос ўчмас саҳифаларидир. Пахтакору, чорвадорларнинг, соҳибқору сабзавоткорларнинг, Ангрен қончилари, Чирчиқ кимёгарлари, Янгийўл қандолатчиларининг, зиёлиларнинг бунёдкорлик меҳнати, инсонларнинг тақдир ҳаётининг жилоли бўёқларидек ёрқин ифодасини топган, пулат сатрлар бўлиб қуйилган бу ахборотчаю достонлар, лавҳалару залворли мақолалар неча юзлаб жилдларга жо бўлади.

Рўзнома ўз номига яраша ҳамisha ҳақиқат, адолат курашчиси бўлиб келди,

қанчадан-қанча заҳматкаш, ҳалол, диёнатли инсонларнинг кўкрагига шомол теккизди, жўшиб, ҳайқириб рост сўзнинг ишончли ҳимоячиси бўлиб келди.

«Тошкент ҳақиқати»нинг қутлур даргоҳига қадам босган, тузини тогган, ақл қаймоғини, қалб тафтини, кўз нури-ни аямаган қаламкашлар унинг сабоғини олиб эл оғзига тушдилар. Улар орасида халқимизнинг асл фарзандлари — давлат ва партия арбоблари, фан ва маданиятимиз намоёндалари кўп. Рўзнома ҳамон энг истеъдодли ходимларини масъулиятли ишларга учирма қилипти.

«Тошкент оқшони» ва «Вечерний Ташкент» ижодкорлари ҳамкасб устозлари, дўстларини қутлар экан уларга ҳақиқат тарғиботчиси бўлишдек сермашаққат ишларида янги-янги муваффақиятлар, ижодий ютуқлар, эзгу режалари рўёбга чиқишини чин қалбдан тилаб қоладилар.

Э. ЭРНАЗАРОВ,

«Тошкент оқшони» — «Вечерний Ташкент» рўзномалари муҳаррири, «Тошкент ҳақиқати»нинг собик ходими.

ВИЛОЯТИМИЗ КЎЗГУСИ

Колхозчига кўп нарсаси керак эмас. У ҳалол меҳнати эвазига мўмай даромад олса, кўрасидан қўйи, молхонасидан моли эримаса, эл қатори тўй қилиб, халқ олдида дастурхон ёзса, кўзи тирикчилигида фарзандлари келажакини таъминласа бўлди. Оддий меҳнат кишисига миллатчилик ҳам, минбарларга интилиб, ўзини кўрсатишлар ҳам бегона.

Мен «Москва» жамоа хўжалигига раис этиб сайланганимда одамларда келажакка ишонч уйғотишга уриндим. Негаки, унчалик катта бўлмаган хўжаликнинг қоққани қозиги, оғгани элаги ҳам қолмаган, кўпчилиги тўйни елкасига ташлаб, мўмай даромад қидириб чиқиб кетган эди. Чунки, йил бўйи меҳнат қилгани икки-уч бозорликка етмаса боғлаб қўйсангиз ҳам ҳеч ким хўжаликда турмайди. Шундай қилиб, бир йил давомида

фаолларимиз билан биргаликда ўз холига ташлаб қўйилган хўжаликни эпаккага келтирдик, тийинма-тийин йиғиб, жамғармамизни кўпайтирдик, хўжасизликка, қўл учидан иш қилиб, давлат маблағларини ўмариб юришларга кескин ҳужум бошладик.

Бизни тўғри тушунган, биринчилардан бўлиб, маънавий мадад қўлини чўзган «Тошкент ҳақиқати» рўзномаси бўлди. Бу рўзнома саҳифаларида қолоқ хўжаликнинг илғорлар қаторига қандай йўللари билан олиб чиқаётганимизни иқтисодий таҳлиллар асосида ёритилди, оталиқ ташкилот-

лари билан ҳамкорлигимиз оммалаштирилди.

Ўтган йили терим маҳали рўзнома ижодий ходимлари хўжалигимизга келишди, меҳнаткашлар билан учрашувлар ўтказдилар. Учрашувда рўзнома билан хўжалик ўртасида ҳамкорлик шартномаси тузилди. Бу ҳамкорлиқнинг янги йилда ҳам янада мустаҳкамланишига ишончимиз комил.

1990 йили хўжалигимиз ташкил этилганлигининг 60 йиллиги нишонланди. Рўзноманинг махсус саҳифаси хўжалигимизга бағишланди, унинг тарихи, амалга оширилаётган ишлар,

келгуси режалари ҳамда камтарин, меҳнаткаш кишилари тўғрисида батафсил хикоя қилинди. Рўзноманинг бу иши биз учун ҳар қандай мукофотдан аълодир. Чунки, одамларни руҳлантириш, уларда ҳалол меҳнатнинг пировард натижаларига ишонч уйғотиш ижобий самаралар беришини ҳаммамиз яхши биламиз.

Бугун вилоятимиз кўзгуси ҳисобланган «Тошкент ҳақиқати» ходимлари рўзномамиз ўн мингинчи сони чиқишини байрам қилишмоқда. Биз хўжалигимиз, барча чинозликлар номидан уларни чин дилдан табриқлаймиз, янги ижодий куч-ғайратлар тилаймиз.

Жамолиддин АРАББОВ,
Чиноз ноҳиясидаги «Москва» жамоа хўжалиги бошқарувининг раиси.

• Бизни қутлайдилар

ОШКОРАЛИК МИНБАРИ

Давлат ҳавфсизлиги қўмитасининг фаолиятидаги бугунги умидбахш янги-ланишлар, у ёки бу маънода биз — чекистлар фаолиятига бўлган муноса-батларнинг соғломлашувида матбуот-нинг ҳиссаси катта бўлмоқда. Бизнинг ишимиздаги муваффақиятлар, ҳоли-ният ва адолатли нуқтаи назаримизни халққа етказишда матбуот хизматида мамнунмиз, албатта. Бу ишда айниқса, «Тошкент ҳақиқати»нинг ҳам ўз ўрни бор. Эндиликда маҳкамани ишини ҳо-лислик билан ёритаётган жонқуяр мат-буот нашрлари қаторида «Тошкент ҳа-қиқати» рўзномаси ҳам халқимизга ях-ши хизмат қилипти.

Бугун унинг камолотга етган кунда муваффақият, юртдошларимиз талаб-ларига ҳозиржавоб, халқимизнинг хотир-жамлиги-ю, рўзгорининг бутлиги, тинч-лигини таъминлайдиган мақолалар рўз-нома саҳифаларида кўпроқ бўлишини астаб қоламиз. Бу ниятларни қўлдан келганча ҳамкорликда, баҳамжиҳат, биргаликда бажаришга, яъни «арра»-нинг бир тарафини тортишга биз ҳам тайёрмиз.

ЎЗБЕКИСТОН ССЖ ДАВЛАТ
ҲАВФСИЗЛИГИ ҚЎМИТАСИ-
НИНГ ЖАМОАТЧИЛИК БИЛАН
АЛОҚА МАРКАЗИ.

СЎЗ—МУШТАРИЙЛАРГА

Қодир ЭЛЧИБОВ,
Бўка ноҳияси партия
қўмитаси биринчи ко-
тиби.

— РЎЗНОМАНИ, мубо-лагасиз айтиш мумкин, но-ҳиямизда ҳамма севиб ўқий-ди. Бунинг боиси бор. Деҳ-қонми, чорвадорми, боғбон-ми, хуллас ким ва қайси касб эгаси бўлишдан қатъ-ий назар рўзномани қўлга олганида ундан ўзини қизиқ-тирадиган мақола ёки хабар-ни топа олади. Кўпсонли муштарийларимиз рўзно-мага сидқидилдан обуна бўлганликлари сабаби ҳам шундадир.

Бугун муштарийлар но-мидан рўзноманинг 10.000 сони чоп этилиши билан чи-дилдан қутлаймиз. Шу би-лан бирга бундан буён ҳам рўзноманинг янада ўқимиш-ли, мазмунли бўлиб чиқиши-га тилакдошимиз.

Ишончимиз комилки, рўз-нома қишлоқ меҳнатқашла-рини ўйлантираётган, улар-ни ҳаяжонга солаётган му-аммолар тўғрисида кўпроқ ёзиш билан бирга, журна-листлар, бу муаммоларнинг ҳал этилишида ҳам фаол-лик кўрсатадилар.

Миразиз РЎЗИМАТОВ,
Ўрта Чирчиқ ноҳияси-
даги Охунбобоев номи
жамоа ҳўжалиги бошқа-
рувининг раиси.

— ОДАТДА тарихни, ота-боболаримиз қолдириб кетган бой меросни китоб-лардан ўқиб ўрганамиз, би-либ оламиз. Замондошлари-

мизнинг туриш-турмуши, ҳаё-тини, ютуқ, камчиликлари-ни эса рўзномалардан ўқиб хабардор бўламиз.

«Тошкент ҳақиқати»ни шу маънода вилоятимиз меҳнатқашларининг ҳозирги кундаги ҳаётини ўз саҳифа-ларида муҳрлаб бораётган тарих китобига ўхшатиш мумкин.

Рўзнома вақти-вақти би-лан ҳўжалигимизнинг қўп сонли аҳолиси ҳаётига ҳам чуқур кириб боради, десам кўпчилиكنинг дилидаги сўз-ни изҳор этган бўламан. Меҳнатда эришган ютуқла-римизни элга овоза қилиш билан бирга, у, ижодий иш-га илҳомлантиради. Айни пайтда камчиликларимизни ҳам рўй-рост кўрсатиб, тўғ-ри хулосалар чиқариб оли-шимизга кўмаклашиб кела-пти.

Биз рўзномани қўлга олиб ўқир эканмиз, унинг ҳар бир сатри замирида ўнлаб ижод-корларнинг қалб меҳри, юрак ҳарорати борлигини сезиб турамыз. Унга бўлган меҳримиз шундан бўлса ке-рак.

Ҳўжалигимизнинг салкам 19 минглик аҳолиси номидан «Тошкент ҳақиқати» жамоа-сининг бундан буёнги ишла-рига барака тилаймиз.

Мўмин ҚАЮМОВ,
жамоатчи мухбир.

— АЗИЗ муштарийлар! Мана, бугун рўзноманинг 10.000 сони билан юз кўри-шиб турибмиз. Бу — биз кўпмингсонли қишлоқ мух-

бирлари учун ҳам чинакам байрамдир. Чунки, бизнинг ижодий камол топишимиз, онгимизнинг шаклланишида рўзноманинг ёрдами бени-ҳоя каттадир.

Баъзан рўзномани кўздан кечириб ўйлаб қоламан. У бизга, хусусан оҳангарон-ликларга нима берди?

Озод Хушназаров, Нура-ли Абдурасулов, Муқаддас Алиева, Зарифа Эралиева, Абдусамат Абдулҳақов син-гари талантили мухбирларни кашф этди. Ўз саҳифалари-да эълон қилинган мақола-лари билан ноҳиянинг эко-логик ҳолатини бузувчилар-ни жиловлади. Қурама гу-ручининг қайта тикланишига йўл очди. Оҳангарон қора-байирларининг қайтадан кў-пайтирилишига туртки бер-ди. Энг муҳими инсон қад-қимматининг тикланишига сабабчи бўлмоқда.

Рўзнома ижодкорларини табаррук байрам билан са-мимий қутлаб, оилаларига бағри бутунлик истаймиз.



• Собиқ таҳририят ходимлари (ўнгдан чап-га) Шобарат Кузанбо-ев, Фарид Усмонова ва марҳум Муборак Ғозиевлар. (Рўзнома бисотидан).

ДОВОН САРИ
ҚАДАМБА-ҚАДАМ

(Давоми, боши 1-бетда).

чиқиб кета олмас эди. Шу бо-ис, «Шарқ ҳақиқати» ҳам са-ноатни индустрлаштириш, қишлоқ ҳўжалигини коллектив-лаштириш, маданий инқилоб, хотин-қизлар озодлиги каби кампанияларда олдинги саф-ларда одимлаш учун ҳаракат қилди.

1930 йил 15 июлда ВКП(б) Марказий Комитетининг ок-ругларни тугатиш тўғрисидаги махсус қарори эълон қилинди. Шундан сўнг «Шарқ ҳақиқа-ти» рўзномаси «Қизил Ўзбе-кистон» рўзномасига қўшилиб кетди. Бу пайтгача яъни газе-танинг сўнгги сони чоп этил-ган 1930 йил 22 сентябргача рўзноманинг жами 519 сони босилиб чиққан эди. Сўнгги сонда «Шарқ ҳақиқати»нинг, «Қизил Ўзбекистон» билан қў-шилиши» сарлавҳали мақола-да шундай дейилган эди: «Бу-гун «Қизил Ўзбекистон» Тош-кентга келуви сабабли Ўзбе-кистон партия Марказкоми-нинг қарорига биноан «Шарқ ҳақиқати» газетаси бугундан бошлаб «Қизил Ўзбекистон»га қўшилиб кетажак ва биноба-рин 23 сентябрдан ўзининг мустақил чиқишини тамом тўх-татажакдир».

«Шарқ ҳақиқати»нинг даст-лабки йилларида жуда истеъ-додли муҳаррирлар унинг жа-моасига раҳбарлик қилдилар. И. Хонсуворов, Х. Ғайсин, Р. Алимов ўртоқлар ана шундай шахслар тоифасига мансуб эди. Рўзномани ташкил этиш ва сифатли чиқаришда ўша даврнинг номдор қалам соҳи-блари — Абдулла Қодирий, Ғафур Ғулом, Мақсуд Шайх-зоде, Сотти Хусайн, Комил Алиев, Рустам Абдураҳмонов, Аъзам Аюповлар муносиб ҳис-са қўшдилар. Ориф Аюпов, Маҳмад Исмолов, Исрол Аҳ-медов, Махмуд Файзий, Борий Аҳмедов, Ерқин Мўминов ка-билар бевосита таҳририят хо-димлари эдилар.

1938 йилнинг 26 июлига ке-либ «Қизил Ўзбекистон» рўз-номаси расмий равишда «Тош-кент область партия комитети ва область ижроия комитети-нинг органи» деб ҳам атала бошланди. 1954 йилнинг 9 февралда эса у янги ном билан — «Тошкент ҳақиқати» номи билан чиқа бошлади. Унинг муҳаррири Зиёд Исло-мович Есенбоев эди. Кейин-чалик бу рўзномага Мақсуд Қориев, марҳум Аҳмад Ис-моилов муҳаррирлик қилди-лар.

— «Тошкент ҳақиқати»нинг биринчи сони чиққан кун ҳеч қачон унут бўлмаса керак, — деб эслайди шоир Назармат Эгамназаров. — Биринчи сон-ни тайёрлашда ва чиқаришда Зиёд Есенбоев, Санжар Тил-лаев, Усмон Жонгитов, Адҳам Раҳмат, Аъзам Мирбобоев, Наби Юсуфий, Тожибой Уна-боев сингари ўртоқлар тунни кунга улаб тер тўқдилар. Сен муҳаррир, мен ходим ёхуд мусахҳих деган гап бўлгани йўқ. Ҳаммамиз мўъжазгина учта хонага тегилиб олиб, бў-лажак рўзнома материаллари устида бош қотирар эдик. Рўзнома чиққач, бутун чар-чоқларимиз ёзилиб кетди. Худди янги фарзанд кўрган-дек, ҳаммамиз шод ва хур-рам эдик...

Муштарийлар биринчи кун-лардан бошлаб «Тошкент ҳақиқати»ни қалбларига яқин тутдилар, уни ўзларининг мас-

лаҳатгўй минбари деб билди-лар. Шу боис ҳар кўни му-ҳарририятнинг хатлар ва омма-вий ишлар бўлимига юзлаб мактублар оқиб келар эди. Бу мактубларда турли мавзулар — тўраларча муносабатлардан норозилик, ишлаб чиқаришда-ги ютуқлар, саноат корхона-ларининг ишини янгила таш-кил этиш, уй-жой муаммолари, пахтачиликни тараққий этти-риш, оилавий муносабатларга доир муаммолар ўз аксини топган эди.

Тез орада «Тошкент ҳақи-қати»нинг дастлабки «деса-нти» сафига янги кучлар келиб қўшилди. Улар орасида Ўрта Осиё Давлат дорилфунуни-нинг журналистика кўлиётини биринчи бўлиб битирган И. Сулаймонов, Т. Нажмиддинов, З. Исроилов, М. Яхёев, З. Эшонхонова, М. Зиямухамеда-ва каби иқтидорли журналист-лар бор эди.

«Тошкент ҳақиқати» рўзно-маси буюк доvon сари қадам-ба-қадам борар экан, энг ях-ши ташаббусларнинг тарғибот-чиси бўлди. Янги-янги ватан-парварлик ҳаракатига даҳадор ишлар унинг саҳифаларидан ўрин олиб, ҳаётга ёйилди. Ўша маҳалдаги рўзнома саҳи-фаларини варақлар экансиз, номдор кишилар имзоси би-лан чоп этилган мақолаларга кўзингиз тушади. Турсуно Охунова, Ҳакимпўлов Қоди-ров, Маҳмуд Исмолов, Мах-муд Мирзаев, Комил Яшин, Назир Сафаров каби мухлис-лар муштарийлар дидига мос бўлиб тушадиган мавзуларни кўтариб чиққан эдилар.

Рўзнома ўз фаолиятида со-вет кишиларининг фаровонли-гини янада ошириш, уларнинг меҳнат ва турмуш шароитла-рини яхшилаш, жумҳурият ҳамда вилоят иқтисодий қуд-ратини юксалтириш, аъло си-фатли маҳсулот ишлаб чи-қариш, фан-техника тараққиёти-ни жадаллаштириш, қайта қу-риш, совет жамиятини демо-кратиялаштириш, ошкоралик каби мавзуларга кенг ўрин бериб келди.

Юқорида таъкидлаганимиз-дек, «Тошкент ҳақиқати» ўзи-нинг ўн мингинчи сонига-ча бўлган даврда шонли йўлни босиб ўтди. 1978 йил 6 декаб-рида СССР Олий Совети Пре-зидиуми Фармонида биноан рўзнома Меҳнат Қизил Бай-роқ ордени билан мукофот-ланди.

Шу кеча-кундузда жумҳу-риятимиздаги турли ташкилот-лар, идоралар, касбдош рўз-номаларнинг муҳарририятла-ридан, сон-саноксиз мушта-рийлардан рўзноманинг ўн мингинчи мавлудий сони чи-қиши муносабати билан кўп-дан-кўп табриклар, қутловлар, мактублар келиб турибди. Бу-гун рўзноманинг маъмур сана-га бағишланган махсус сонини кўздан кечирган ҳар бир ки-ши бунинг гувоҳи бўлади: «Биз — «Тошкент ҳақиқати»-нинг мухлислари оддий меҳ-натқаш кишиларнинг камтаро-на меҳнатини шарафлаб элга танитаётган, ўзларининг қи-йин, лекин масъулиятли меҳ-натлари билан бизларнинг ку-чимизга куч, ғайратимизга ғай-рат қўшаётган «Тошкент ҳақи-қати» қаламқашларини мавлу-дий — ўн мингинчи сони би-лан чин қалбдан муборакбод этамиз» дейилади деярли ҳар бир қутлов, табрик ёхуд мак-тубда.

Бундай тилаклар «Тошкент ҳақиқати» рўзномасида қалам тебратётган ҳар бир ходим учун ниҳоятда ша-рафли ва муқаддасдир. «Тошкент ҳақиқати»нинг ижод-кор жамоаси бундай тилакларга, албатта, садоқат би-лан жавоб беражаклар.

Р. УМАРОВ.

• ХОТИРА •

ҲАМКАСБЛАРИМИЗ ХОТИРАСИ ҲАМИША ҚАЛБИМИЗДА.



ҲАР САФАР Форобий кўчасидаги марҳум биродарларимиз оромгоҳига кирсам уларни зиёрат қилмай кетмайман. Чунки улар билан бирга ишлаб, ишхонада неча-неча тонглари биргалашиб қарши олганман, ижод қувончлари ва машаққатларини бирга тотганман, уларнинг ибратомуз ўғитларига қулоқ солганман.

УНГ ҚУЛДАГИ зинадан аста тушиб олдинга қарасангиз оқ мрамтортошга битилган «Педагог-журналист Асқар Шермухамедов» деган ёзувни ўқийсиз. Асқар акани «Тошкент ҳақиқати» жамоасининг ҳозирги авлоди яхши билмаслиги мумкин. У киши дастлаб ота-хон газета «Қизил Ўзбекистон»да ишлаган, кейин бир гуруҳ ижодкорлар қатори у даргоҳдан «Тошкент ҳақиқати»га ўтган. Рўзноманинг етакчи партия турмуши бўлимини бошқарган, кўп йил партия ташкилотининг котиби ҳам бўлган. Унинг пахтакорлар, чорвадорлар, вилоятимиз коммунистлари ҳаётидан ҳикоя қилувчи мақола, лавҳа, очерк, бош мақолаларини ўқиган ёшлар журналистиканинг ўзига хос дорилфунунидан ўтишлари мумкин. Асқар ака факт ва далилларни эринмай ўрганар, қаҳрамонлари билан шошилмай суҳбатлашар ва ёзганларини қиёмага етказиб обдон таҳрирдан ўтказмагунча кўнгли тинчимасди. Саҳифаларни ҳам қайта-қайта устидан ўқирди. Шу сабабли Асқар ака қўлидан ўтган, у имзо чеккан материалларда далилий ноаниқликлар уёқда турсин, бирон ҳарфий хатолар ҳам учрамасди. У пискентлик ажойиб пахтакор Ҳакимполвон Қодиров ҳақида китоб ҳам ёзган эди.

Асқар Шермухамедов партия турмуши бўлими ходимлари марҳум Зокир Исроилов, Муборак Ғозиевлардан ташқари кейинчалик ўзбек журналистикасининг устозлари бўлиб қолган Исмоил Сулаймонов, Тўлаган Нажмиддинов (ҳозир улар «Совет Ўзбекистон»да ишлашди) ва бошқа ўнлаб ёшларнинг ҳам меҳрибон мураббийси эди. Камтар, меҳнаткаш, ҳалол, ўта масъулиятли бу қаламкаш ижод устида вафот этди. 1961 йил меҳнат отпусчасига кетган муҳарриримиз Мақсуд Қориев ўрнида

Асқар ака рўзномага имзо чекарди. 16 июль эрталаб унинг вафоти ҳақидаги хабарни эшитдик. Ушанда Асқар Шермухамедов 48 ёшда эди....

Кўм-кўк арчалар сокин шивирлаб турган йўлқадан ўнгга яна юриб борсангиз матбуот ходимларининг ҳаммасига ях-

бўларди: «Пахтакор» қайси шаҳарга бориб ўйнаса, ўзбек журналистлари бирга кетишар, сеvimли команданинг ўйини ҳақида ўқувчиларга муфассал ҳикоя қилиб беришарди. Олмаотада «Қайрат» билан бўладиган ўйинни ёритиш учун «Қизил Ўзбекистон» рўзномасининг спорт шарҳловчиси Восиқ Маҳкамов билан бирга мен ҳам Қозоғистон пойтахтига келгандик. Восиқ ака дам ўтмай Тошкентга қўнғироқ қилар, ўз ишхонасига — муҳаррир ўринбосари Аҳмад Исмоиловга командамиз ўйинга

ли спортчилар кўплаб етишиб чиққан эди.

1960—70 йиллар ҳарбий-ватанпарварлик, байналмилал тарбия мавзулари «Тошкент ҳақиқати»да етакчи бўлиб қолди. Муҳарриримиз ташаббуси билан махсус «Солдат саҳифалари» бунёдга келди. Рўзномада ана шундай саҳифалар бир неча йил давомида узлуксиз чиқиб турди. А. Исмоилов «Правда» рўзномасида эълон қилинган ўз мақоласида бу борадаги «Тошкент ҳақиқати» тажрибаси билан мамлакат ўқувчиларини таништир-

ташвирланган. Ана шу икки ёш севгиси орқали уруш манзаралари, фронт орқасидаги ҳаёт, урушдан кейинги йилларда янги ерларни ўзлаштиришда халқ кўрсатган қаҳрамонона меҳнат, байналмилал дўстлик акс эттирилган.

Қабристоннинг чап томонида яна бир қора тош олдида бир зум тўхтаймиз Сирдарё!

Тўлқинларинг тиниб
чашмадек сиздинг,
Ҳар дилда уйғотиб
шафқат-раҳмин.
Шундай аҳволингда қандай
оқиздинг
Ўзингдан ҳам ювош
Абдурахимни.

Тошга битилган бу сатрлар шоир Абдулла Ориповга тегишлидир. 32 йилгина умр кўрган, лекин шу ёшдаёқ журналистлар оламига танилган Абдурахим Абдуллаев «Тошкент ҳақиқати»нинг ардоқли ва умидбахш фарзанди эди. У жамоамизга келгандан сўнг олий илмгоҳни тугатди, Совет Армияси хизматида бориб келди, уйланди, фарзандли бўлди. У рўзноманинг ахборот, спорт, партия турмуши бўлимларида ишлади. Шу ердан комсомол Марказий Қўмитасига учирма бўлди, кейин «Ёш ленинчи» муҳаррири ўринбосари лавозимига тайинланди. Абдурахимнинг ҳам қалами муҳаррирлик столи устида қолди: кечагина ўзи имзо чеккан «Ленин учқуни»нинг навбатдаги сониде унинг бевақт ўлими ҳақида таъзия босилди....

Мен марҳум уч ҳамкасбимизини эслаб ўтдим. Биринчи 50-йиллар, иккинчиси 60—70-йиллар ва учинчиси 80-йиллар вакили. Улар ҳаёт бўлганда ижодининг торлари бевақт узилган Усмон Жонгитов, Малик Иброҳимов, Зариф Муҳаммаджонов, Ёрқин Салимов, Қаҳрамон Қаримов ва бошқалар билан бирга бугун «Тошкент ҳақиқати»нинг катта маъракасида даврамизнинг турини беэаб ўтирган бўлишарди.

С. МУСАЕВ,
Ўзбекистон ССЖда хизмат
кўрсатган журналист.

ЎТГАНЛАРНИ
УНУТМАЙМИЗ

ши таниш ва қадрдон чеҳралар: Ҳолбек Едгоров, («Совет Ўзбекистони» муҳаррири ўринбосари) Муҳаммаджон Мухтор ўғли Васфий (шоир) ва Аҳмад Исмоиловга кўнглингиз тушади. Қора мрамрдан тийрак бокиб турган, кўкси орден ва медалларга тўла Аҳмад Исмоиловнинг «Тошкент ҳақиқати»га меҳнати энг кўп сингган десак хато қилмаймиз. Рўзноманинг бугун ўн мингинчи сони чиқди. Шундан 4 мингдан ортиқроғида Аҳмад Исмоиловнинг имзоси турибди. У киши ижодий жамоамизга 17 йил бошчилик қилган.

Биз ёш журналистлар, хусусан мен бошқараётган маҳаллий ахборот бўлими ходимлари янги муҳарриримизнинг ҳарбий-ватанпарварлик ва спорт мавзуларига ихлоси баландлигини дастлабки кунда ноқ сезгандик. Эсимда, янги тузилган «Пахтакор» командаси олий лигадаги дастлабки ўйинлари билан бутун жумҳурият аҳлини ўзига маҳлиё этаётган кезлар эди. Шу пайтда командамиз ҳам матбуотнинг доимий назоратида

қандай тайёргарлик кўраётгани, тренер А. Келлер қандай ўйин услубини қўлланишга қарор қилгани, қайси таркиб билан ўйинни бошламоқчи бўлгани, йигитларнинг кайфияти, шахар об-ҳавоси ҳақида маълумотлар бериб турарди. Уйин тугаши биланоқ эса ўша ердан Восиқ ака «Қизил Ўзбекистон»га, мен «Тошкент ҳақиқати»га қўнғироқ қилиб ҳисобот бердик.

Аҳмад ака, айтиш мумкин, ўзбек матбуотида спорт мавзунини бошлаб берган журналистлардан. У ёшлиқдан футбол ишқибози эди. Бир вақтлар ёшлар терма командалари таркибиде ўзи ҳам футбол ўйнаган. Кейин спортчилар ҳаётидан газета саҳифаларида кўпдан-кўп хабарлар ёзган. Унинг 40—50-йилларда «Бўронқуш» командаси ўйинлари, спартакиада мусобақаларидан ёзган материалларини муштарийлар қизиқш билан ўқишган. Рўзнома саҳифаларида бадан тарбия ва спорт кенг тарғиб қилинган ўша йиллар жумҳуриятимизда истеъдод-

ганди. Рўзномамиздан ўрганиб бошқа қатор оммавий ахборот нашрларида ҳам махсус ҳарбий-ватанпарварлик саҳифаларини тайёрлаш расм бўлди. А. Исмоилов «Ўзбекистон» нашриётида босиб чиқарилган «Газета ва ҳарбий-ватанпарварлик тарбияси» рисоласида бу мавзунинг ёшларни юксак ғоялар руҳида тарбиялашнинг муҳим омили эканлигини кўрсатиб берган.

Кўп миллатли пойтахт вилояти учун байналмилал тарбиянинг аҳамияти ниҳоятда каттадир. Бунини яхши тушунган муҳарриримиз ходимлардан ана шу мавзуга алоҳида эътибор беришни талаб қиларди. Унинг ташаббуси билан тайёрланган махсус сон ва саҳифалар, қўшма сонлар ўқувчилар хотирасида ҳалигача сақланиб қолган. А. Исмоилов қаламига мансуб «Ҳижрон» қиссаси ҳам байналмилал тарбияга бағишланган. Унда Улуғ Ватан урушида жасорат кўрсатган ўзбек йигити Бахтиёр ҳамда жасур, вафодор рус қизи Люба ўртасидаги самимий муҳаббат

«ТОШКЕНТ ҲАҚИҚАТИ»НИНГ
ХОТИРА КИТОБИ

Абдуазимов Абдукарим
Абдуллаев Абдурахим
Алимов Раҳматилла
Алимухамедов Гилмиддин
Ахтямова Закия
Аюпов Ориф
Бобожонов Акмал
Гайсин Ҳасан

Жонгитов Усмон
Жабская Людмила
Иброҳимов Малик
Исмоилов Аҳмад
Исроилов Зокир
Исҳоқов Асом
Каримов Қаҳрамон
Маҳкамов Салимжон

Мирбобоев Аъзам
Меламад Наум
Муҳаммаджонов Зарифжон
Мансуров Исмаил
Норжигитов Раҳматилла
Нуъмонов Садир
Орипов Султон
Одилова Шарифа

Раҳимова Мария
Раҳматов Адҳам
Саидумаров Анвар
Салимов Ёрқин
Тиллаев Санжар
Тўраев Ношир
Шайхзода Мақсуд
Шермухамедов Асқар
Шестаков Павел
Халилов Босит
Ҳикматов Қудрат
Юсуфий Наби
Ғафур Ғулмор
Ғозиев Ўткир
Ғозиев Муборак



МЕХНАТКАШЛАР ХИЗМАТИДА

1986 йил август ойидан бери рўзнома ҳузурида ташкил этилган ҳуқуқ, социалистик қонунчиликни тарғибот қилиш жамоатчилиги кенгаши меҳнаткашлар хизматида.

Кенгаш аъзолари меҳнат, советлар фаолияти, маиший, маданий, тиббиёт, уй-жой ҳақидаги қонун-қондалар, нафақа масалалари ва бошқа хилма-хил соҳалар бўйича консултациялар беришмоқда. Меҳнаткашлардан рўзнома таҳририятига тушаётган шикоят ва аризаларни кўриб чиқиб, уларни ҳал этиш бўйича маслаҳатлар, ёрдам, тавсиялар беришяпти.

Ўтган даврда 2 мингдан кўпроқ киши жамоатчилик кенгаши аъзоларига турли саволлар, ўзларини қизиқтирган масалалар билан мурожаат қилишди. Улардан кўпчилиги қабул даврида кенгаш аъзоларига берган хилма-хил саволларига тегишли қонунлар асосида қониқарли жавоблар олдилар. Айримларига эса рўзнома саҳифаларида малакали юристлар жавоблар қайтаришди.

Вилоят ижроия қўмитаси адлия бошқармаси бошлигининг муовини, кенгаш раиси Турғун Пидеев, жумҳурият кўзи оғизлар жамияти бошқаруви юридик бўлими бошлиғи Абдужалил Ҳасанов, вилоят 1-давлат муҳдорлик идорасининг катта муҳдори Мамлакат Амирова, вилоят суди раисининг муовини Суръат Юсупов, жумҳурият Олий Суди аъзоси Улуғбек Набиев, вилоят прокуратураси умумий назорат бўлимининг бошлиғи Хошим Набиев каби ўртоқлар ўзларининг юридик соҳалардаги сермизмун мақолалари билан рўзномамиз саҳифаларининг қизиқарли бўлишига ўз ҳиссаларини қўшмоқдалар. Бундан кейин ҳам жамоатчилик кенгаши аъзолари меҳнаткашлар хизматида бўлишади. Уларнинг оғирини енгил қилишда ҳамиша ёрдам беришади, деген умиддамиз.

А. МИРЗААХМЕДОВ,
Ўзбекистон ССЖда хизмат кўрсатган журналист.

СУРАТДА: жамоатчилик кенгаши аъзоларининг бир гуруҳи навбатдаги иш режаларини муҳокама қилишмоқда.



Усмон ЖОНГИТОВ.

Ф А Р З А Н Д

Туғилдинг, оила қувончга тўлди,
Хонага ёқилди ёруғ шамчироқ.
Юзингга лаблардан илк бўса қўнди,
Кўнги армонлари чекилди йироқ.
Шу қадар азизсан, ширинсан
фарзанд.

Ота муҳаббатин, она севгисин —
Занжирдай боғладинг муҳраб ўзинг,
Азиз ёстиқдошлар гул чехрасини —
Эслатиб турибди шу ширмон юзинг.
Шу қадар азизсан, ширинсан
фарзанд.

Мен бугун отангн армонсиз кўрдим,
У менга қувончдан, толе ёр, деди.
Уйга юр, ҳазилмас тўй қилмоқчиман,
Тўйимнинг боси фарзанд бор, деди.
Шу қадар азизсан, ширинсан
фарзанд.

Чирогим, тез ўсиб, камолга етиб,
Отангн суялган тоғи бўл, бўтам.
Ҳазонини билмасин умринг ҳеч қачон.
Онанинг ишонган боғи бўл, бўтам.
Шу қадар азизсан, ширинсан
фарзанд.

• Миннатдорчилик сатрлари

Азиз муштарий, бугун сизлар билан ўн мингинчи марта дийдор кўришиб турибмиз. Рўзномамизда ҳақиқат ва адолат учун кураш унинг биринчи сонидан бошланган. Ўтган йиллар мобайнида «Тошкент ҳақиқати» жуда кўп кишиларнинг хонадонига ёруғлик олиб кирди, маънавий жиҳатдан эзилган қалбларга руҳий енгиллик бағишлади. Бугун ана шу қахрамонларимизга сўз бердик.

СЎЗ ҚУДРАТИ

Ёлғон шиорлар, ҳеч ким амал қилмайдиган қаҳриқанлар замонида ҳақиқатни занжирбанд қилиб қўйдилар. Кейин унинг бошқа сохта нусхаси — амалдор ва пулдорлар ҳақиқатини яратдилар. Одамлар рост гапириб, балога қолдилар, ёлғон сўзлаб муқофотларга эришдилар.

Мен йигирма йилдан зиёд жумҳурият суд-медицина экспертизаси Бюроси бош врачлари лавозимида ишлаган, бутун куч-ғайратимни ана шу соҳани ривожлантиришга бағишлаган эдим.

Кейин сохта ҳақиқат билан юзма-юз келдим. Бошим устида қора булутлар айланди. Илгари шунчаки айтган сўзларинг ҳам баъзиларга ғоят «донишмандона» туюлган бўлса, омад ва амалдан айрилганингдан сўнг ғирт «аҳоқона» эшитилиб қоларкан. Бундай маҳалда шогирдларинг орасидан ҳам садоқатли кишиларни топишинг мушкул экан.

Ҳали партия аъзолигидан

ўчиришмай, мени ҳибсга олишди, бўйнимга асоссиз айблар қўйишди...

Маънавий жиҳатдан эзилиб, ҳақиқат қидириб юрган кунларимда «Тошкент ҳақиқати» махсус муҳбири Эсон Қосимов мени сўроқлаб келди. Орадан уч-тўрт ой ўтди. Жуда кўп ҳужжатлар тўпланди, мени билган, бирга ишлаган кишилардан «Тўшунтириш хат»лари ёздириб олинди. Нихоят рўзномада «Викжонга отилган тош» сарлавҳали мақола эълон қилинди. Жумҳурият телевидениеси ана шу мақола асосида махсус кўрсатув тайёрлади.

Рўзнома мақоласи ҳаётимда катта бурилиш ясади: Тошкент шаҳар партия комитети бюроси мени партия аъзолигига тиклади, етказилган моддий зарарлар ундириб берилди.

Хуллас, рўзнома ёрдами туфайли ҳақиқат қарор топди, эгилган қаддим тикланди. Бунинг учун муҳарририятга чин дилдан раҳматлар айтаман.

Ҳали орамизда менга ўхшаган кишилар кўп. Истагим — рўзнома ходимлари хайрли ишларини давом эт-

тиришаверсин. Уларга бу борада куч-қувват, муваффақиятлар тилайман.

Тўлқин ҒУЛОМОВ,
жумҳурият суд-медицина экспертизаси Бюросининг бўлим мудир.

ЭЪТИҚОДИМИЗНИ ОШИРДИ

1990 йил, 25 май куни «Тошкент ҳақиқати»да «Кураш» сарлавҳали мақола чиқди. Унда каминанинг бошдан кечирганлари батафсил ҳикоя қилинган эди.

Ҳа, бир пайтлар ана шундай бўлганди: қишлоқ шифонасида бахтсиз ҳодисалар туфайли жароҳатланган кишиларни даволашнинг машҳур ҳаким Илизаров усулини қўллаб, янги режалар орзусида юганимда ноҳақ тўхматга учрадим. Бундай пайтда айрим ноинсоф терговчиларга худо беради: улар ўз «билмидон»ликларини кўрсатиш учун пашшани филга айлантириб юборадилар, айблов ҳужжатлари бир зумда қалин жилдларга тўпланади.

Ўшанда ҳеч ким сўзларимга қўлоқ солмади. Ноҳия партия комитети бюросида КПСС аъзолигидан чиқаришди. Яхши ниятда бошланган ишларим чала қолиб кетди. Ўнлаб мажруҳлар ёрдамимга қўз тикиб ётишганди. Энг ёмони — энди уларнинг дардига малҳам бўлол-

масдим, ноҳақ тўхмат ва айбловлар тўридан қутилиш учун кераксиз қоғозлар тўплаб, вақтимни беҳуда сарфлардим.

«Тошкент ҳақиқати» муҳарририятига мингдан-миг раҳматки, оғир кунларимда ёрдамга етиб келди, ҳақиқатни юзага чиқариб, кўнглимда умид-ишонч чирогини ёқди. Тўғриси, дунёда яхшилик-эзгулик борлигига ишонмай қўйгандим.

Рўзномада мақола чиққач, бамисоли қалбимда ҳам офтоб чиқди. Партияга тикландим, етказилган моддий зарарларимни қайтариб беришди. Янги куч-ғайрат билан чала қолган ишларимни давом эттириш имкониятига эга бўлдим.

Бугунги кунда бўлимимиз хўжалик ҳисобига ўтди. Ўтган йиллар мобайнида ўн мингдан зиёд ногиронларни ҳаётга қайтардик, даволаш усулларини такомиллаштирдик.

Бугун рўзноманинг ўн мингинчи сони чиқибди. Бўлимимиз шифокорлари, бутун оиламиз аъзолари номидан «Тошкент ҳақиқати»нинг заҳматкаш ходимларини ана шу унутилмас тантана билан табриклайман, уларнинг ҳақиқат ва адолат йўлидаги олижаноб ишларига муваффақиятлар тилайман.

Ғайрат ЗОКИРОВ,
Оққўрғон ноҳиялараро травматология бўлими мудир, тиббиёт фанлари номзода.

ҲАМИША ЭЛ БИЛАН ҲАМНАФАС


У эрта тонгда қуёш нуридай элга тарқалади. У — жонажон «Тошкент ҳақиқати» рўзномасидир. У — она диёримиздаги тонгги вилоят рўзномаларининг сардори. Бугун унинг ўн мингинчи қадами бошланди. Мен бу табарруқ даргоҳда ўттиз бир йиллик камтарона хизматим билан унинг эл овози бўлиб, ҳар бир хонадон, ҳар бир дилга йўл олганлигининг гувоҳиман.

«Тошкент ҳақиқати» жамоасининг улкан даргоҳида элимизнинг атоқли алломалари қалам тебратганлар. Бу рўзнома ёш истеъдод эгаларининг ҳам ижодий мактаби бўлган. Ҳозирги вақтда элга танилган бир қанча ёзувчи ва журналистлар, жумладан, Сўлтон Акбарий, Санжар Тилла, Аҳам Раҳмат, Худойберди Тўхтабоев, Ўткир Ҳошимов, Маҳмуд Яҳёев, Сами Раҳим, Эмин Усмонов, Олмас, Эргаш Муҳаммад, Нилуфар ва бошқалар шу жамоадан катта ижод ҳамда ҳаёт йўлига қадам қўйганлар.

Рўзнома — ҳамиша эл, хизматда. Сирдарё соҳилидаги пўлат қуёвчилар, Мирзачўлга об-ҳаёт етаклаётган Фарҳод баҳодирлари, Оққўрғон, Бўка, Бекобод, Пискент, Чиноз пахтакорлари, Бўстонлиқ, Паркент боғбонлари, пойтахт, шунингдек, Чирчиқ, Янгийўл, Олмалик, Бекобод корхоналарининг ишчилари, билим даргоҳлари, адабиёт ва санъат ахиллари рўзномани ўзларининг кундалик дилкаш маслаҳатчилари деб биладилар. Унга эришган ютуқлари, ечимини кутаётган муаммолари ҳақида ёзиб, эл билан ошқора мулоқотда бўладилар.

Янги аср бўсағасида бу қадрдон рўзномага забардастлик, оқ йўл тилайман. У жонажон пойтахт вилоятимизнинг ҳолисона ва жанговар овози бўлиб, доимо эл хизматида бўлаверсин.

НАЗАРМАТ,
Улуғ Ватан уруши қатнашчиси, жумҳуриятда хизмат кўрсатган маданият ходими.



Суратда: «Ҳақиқатчи»нинг навбатдаги сайёр сони.

«ҲАҚИҚАТЧИ» САҲИФАЛАРИДА

ЖОНКУЯР қалам соҳиби, масъул котиб ўринбосари Миржалол МИРАЛИЕВ кўп йиллардан буюн «Ҳақиқатчи» деворий рўзномамизга муҳаррирлик қилиб келмоқда. Кейинги пайтларда жамоамиз бу рўзноманинг чиқишини орзиқиб кутаётган бўлиб қолди. Унда муҳаррир-ият журналистлари олдида турган муҳим дастурлар аниқ, равои ифодаланиши билан бирга, дўстлик ҳазиллари, кичик-кичик ҳақиқатлари ҳам кўпчилигини ўзига жалб этаётди. Кўйида деворий рўзнома саҳифаларида ҳамкасбларга бағишланган дўстлик ҳазилларидан намуналарни эътиборингизга ҳавола этамиз.

● Хатлар ва оммавий ишлар бўлими мудири —

Абдувоҳид МИРЗААҲМЕДОВга

Журналист унвонининг
Биринчи қалдирғочи,
Шикоятчи «жони»дир
Чехраси домл очик.
Ҳар пайшанба қабулида,
Адолат деб қилар жанг,
Шу холислик йўлида,
Гоҳо шод, гоҳо тананг.

● Социал масалалар бўлими
собиқ мудири, ҳозир «Халқ
сўзи» рўзномаси бўлим муди-
ри —

Ҳабибулло ОЛИМЖОНОВга

Бу-чи, дўстлар, социал
бўлим,
Эшик ичдан ёпилар.
Ижодкорга қўлай шу йўл,
Зўр мавзулар топилар.
Тўғилмоқда бир фелъетон,
Ҳабибуллодир доя
Баъзиларда оттириб тонг
Йўрғаклар у ҳикоя.

Масъул котиб ўринбосари,
муҳарририят
партия ташкилот котиби

Насрулло
ҲИҚМАТУЛЛАЕВга

Чиройли, ориятли,
Раҳмдиллик — ҳислати,
Ҳамиша пок ниятли,
Шундан ортар шухрати.
Очиқ кўнгил, доммо
Чехрасида табассум.
Зарур пайтларда аммо
Қидиртиради бир зум.

● Собиқ ҳамкасбимиз, қўли
ширин ошпаз дўстимиз —

Абдусамд ЙУЛДОШЕВга

«Чорвадор»ни ёзганда
Вақти йўқдир, имламанг,
Агар вёрстка бўлмаса,
Ҳада этар димлама.

● Машиначи —

Матлуба МАҲМУДУЖАЕВга

Ёзавериб қўш саҳифа,
Фарзанд кўрди қўшалок
Репортаждай зўр ўғилу,
Лавҳадай ҳур қизалоқ.

● Илгари қишлоқ хўжалиги
бўлими ходими, махсус муҳбир,
ҳозир совет қурилиши бўлими
мудири —

Фатҳиддин МУҲИДДИНОВга

Эрта келиб, кеч қайтар,
Тушган пудрат изига,
Камчиликларни айтар,
Раисларнинг юзига.
Бир қарашда сезади,
Сигирларнинг ичинин.
Кейин сўзин беэмайл,
Кўрсатади «кучини».

● Рўзнома қабулхонаси ко-
тибаси —

Дилбар ИЗАТУЛЛАЕВга

Ким шарҳчи-ю, ким навбатчи,
Шу қизчадан билади.
Чалкаштириб юборсангиз,
Элак-элак қилади.
Билим пухта, ишда чаққон,
Аниқликдир маромин,
Ҳислатлари кўпга ёққан,
Сўзлари ҳам маъноли.

● Масъул котиб ўринбоса-
ри —

Миржалол МИРАЛИЕВга

Саҳифанинг чиройи
Лойиҳасига боғлиқ.
Бир йигитки, киройи,
Сўзи ишла бежоглиқ.
Меҳнатидир — роҳати,
Эрта-ю кеч кезади
Нуқсонга йўқ тоқати,
Мўйлов билан сезади.
Ҳазиллар Саид ВАЛИНИКИ.

САЛ КАМ МИНГТА

ҲАЛИ-ҲАЛИ эсимда. Киши қалбини тўққилантирувчи бир воқеанинг шохиди бўлдимку қўлга қалам олдим. Илгари бирорта оддий хабар ёзмаган бўлсам ҳам қандайдир куч, ҳаяжон мени шунга ундади. Касбим ўқитувчилик бўлгани учун рўзномалару ойномаларни ўқир эдим. Халқро ва ички воқеалардан хабардор бўлмасдан синфга кириш, дарс ўтиш мумкин бўлмасди. Уша вақтдаги талабаларнинг воқеаларга қизиқиши зўр бўлганим, ҳар холда, дарсда қўтилмаган саволлар бериб қолтирдим. Шунда рўзномалардан ўқиганинг жонга оро кирарди. ...Ушанда 1960 йил эди. Бир хабар ёздим. Оддий ўзбек аёли Гулсум опа Жалаеванинг ота-онасиз тирик етим қолган болани асраб, оқ тараб вояга етказгани ва унинг техника фанлари номзоди илмий даражасини олиши учун ҳамма имкониятларни яратиб берганини ҳақида ёзилган хабар эди бу. Минг ҳаёлга бориб, уни «Тошкент ҳақиқати» рўзномасига олиб келдим. Мени яхши кутиб олишди. Албатта, чиқаражакларини айтишди. Орадан кўп ўтмай рўзнома саҳифасида ёритилди. Хабарга анча сайқал берилган, кўп қисми янгидан ёзилган эди. Хабарни хурсанд бўлиб ўқишга ўқидиму, лекин бироз ранжидим ҳам. Йўқ, редакция жамоасидан эмас, ўзимдан хафа бўлдим. Қалам тебратишимга ҳали анча бор экан. Таҳририят менга махсус хат йўллаб, биринчи мақолам билан табриклаб, ҳамкорликни узмасликни илтимос қилгандан кейин ёзишни яна давом эттиравердим.

Рўзноманинг аксарият бўлими билан алоқам мустақамлашиб кетди. Маданият, саноат, капитал қурилиши ва транспорт, мафкура, совет қурилиши мавзуларида ҳам хат-хабарлар ёзадиган бўлдим. Рўзноманинг ўн мингичи сони чиқиши муносабати билан унинг саҳифаларида боғлиқ чиққан материалларим ёғиштирилган альбомларни варақладим. Мен ёзган хабар-мақолалар сони мингтага етиб қолди.

«Тошкент ҳақиқати»нинг ўн мингичи сони чиқиши муносабати билан оддий жамоатчи муҳбир сифатида унинг жамоасини чин қалбдан табриклайман, рўзноманинг янада ўқинишли, ҳозиржавоб бўлишига, халқимиз ҳаёти билан боғлиқ бўлган муҳим мавзуларни ёритишига тилак-дош эканлигини изҳор этаман.

С. СУЛТОНОВ,

«Тошкент ҳақиқати»нинг жамоатчи муҳбири.

АСКИЯДА—ЖУРНАЛИСТЛАР

М. — муҳбир.

МК — масъул котиб

М: — Шароф ака!

МК: — Лаббай, эшитаман.

М: — Бугун рўзномамизнинг ўн мингичи сони муносабати билан икки оғиз аскиялашмоқчиман.

МК: — топган вақтингизни қаранг. Ҳали саҳифалар чала-ку, аския айтишга вақт қаёқда дейсиз.

М: — Ҳали ҳам чалами?

МК: — Чала.

М: — Бўлмаса ҳалиги хабарини, олиб бораверайми? Боя ўзингиз қулоққа қўйвора ман деганингизга бермай турувдим.

МК: — Ҳали ҳам қулоққа қўяман. Сиз айтган подвалда жой йўқ, лиқ тўлган.

М: — Унда шапканинг тагида кетар экан-да.

МК: — Шапканинг тагида кетади.

М: — Расмий келиб қолса, учиб кетмайдими?

МК: — Жуда гапни майдалаб юбордингиз-да. Расмий келса баъзан бош учиб кетади-ю, хабар ҳақида тортишиб ўтирибсиз-а, укам.

М: — Йўқ, илтимос, қизишманг, мен сал ёйиллиб кетсин деган эдим. Олдинги хабаримни колбаса қилиб бергандингиз, чўзилиб ҳунук чиқди.

МК: — Кўп гапирманг, берсангиз беринг ўша хабарингизни, бўлмаса саҳифани рамкага олсам, жой ортмайди ҳам.

М: — Бўлди, ҳозир олиб бораман. Фақат ёйилган материални яхши кўраманда.

МК: — Э, тикка жойлайманми, чўзаманми, ёйиб бераманми, бошининг қаторига қўяманми, бу менинг ишим-ку, бунча эзмаландингиз.

М: — Бўлди, ҳозир олиб бораман. Тагида линейка ташлаб, кўрнарли қилиб берақолинг, розиман.

МК: — Келаверинг-чи, кичик бўлса орасига шпон уришади, катта бўлса қайчилаймиш. Шунга ҳам ота гўри-қозихонами?

М: — Бўлди, йўлга тушдим. Қулоққа қўйвораверинг. Қайтага, қулоққа қўйсангиз қалам ҳақи баракалироқ бўлади. Бўлди, йўлга тушдим.

ДАДИЛБЕК.

Муҳаррир
Н. НАСИМОВ.

Тошкент ҳақиқати

(«Ташкентская правда»)
Орган Ташкентского обкома
Коммунистической партии
Узбекистана и областного
Совета народных депутатов
Издается на
узбекском языке
МАНЗИЛГОҲИМИЗ:
700083, ГСП, Тошкент,
Ленинград кўчаси, 32
ТЕЛЕФОНЛАР: 33-40-48,
32-53-54 хатлар ва оммавий
ишлар бўлими.

ЭЪЛОНЛАР БУРЧАГИ

«УЗБЕККОНЦЕРТ»

В. И. ЛЕНИН НОМИДАГИ ССЖИ
ХАЛҚЛАРИ ДУСТЛИГИ САРОИДА

5, 6 ЯНВАРЬ СОАТ 19.30 ДА

КАТТА БАЙРАМ БАЗМЛАРИ

ҚАТНАШАДИЛАР:

Ўзбекистон ССЖ халқ артистлари

Ғудомжон ЕҚУВОВ, Нуриддин ҲАМРОҚУЛОВ

СОЛИСТЛАР: Гульмира ШАРИПОВА, Раъно ЗОКИРОВА.

«ҚИЗИҚЧИ-90» кўригининг совриндори Соҳиб СОИПОВ

Чипталар соат 11.00 дан сотилади.

ТАШКИЛОТЛАР,
МУАССАСАЛАР ВА
ХУЖАЛИК РАҲБАРЛАРИ
ДИҚҚАТИГА!

ОРЖОНИКИДЗЕ НОҲИЯ
БОСМАХОНАСИ

буюртмачининг қоғозлари,
идора қоғозлари (бланка-
лар), табриқномалар, гувоҳ-
нова (ички ёзувлари ва руҳ-
сатномалар ҳамда бошқа
матбаа маҳсулотларини тай-
ёрлаб бериш учун

БУЮРТМАЛАР
ҚАБУЛ ҚИЛАДИ

Буюртмалар келишувга
биноан тайёрлаб берилади.

Босмахона манзили: Ор-
жоникидзе ноҳияси, Қибрай
қишлоғи, Зебуннисо кўчаси,
12-уй.

Телефонлар: 61-717,
61-710, 61-721.

Театр

НАВОИЙ НОМИДАГИ ЎЗБЕК
ДАВЛАТ АКАДЕМИК КАТТА
ТЕАТРИДА — 5—6/1 да Янги
йил арча байрами (10, 12, 14,
16.00).

ҲАМЗА НОМИДАГИ ЎЗБЕК
АКАДЕМИК ДРАМА ТЕАТРИ-
ДА — 5—6/1 да Арча байрами
(10.00, 12.00, 14.00, 16.00, 18.00).

МУҚИМИЙ НОМИДАГИ ЎЗ-
БЕК ДАВЛАТ МУСИҚАЛИ ТЕ-
АТРИДА — 5—6/1 Арча бай-
рами (10.00, 12.00, 14.00, 16.00,
18.00).

АБРОР ҲИДОЯТОВ НОМИ-
ДАГИ ЎЗБЕК ДАВЛАТ ДРАМА
ТЕАТРИДА — 5/1 да Қийим
ойна қироллиги (10.00, 12.00),
Майсаранинг иши (15.00), Кул-
ги ва қўшиқ кечаси (19.00),
6/1 да Маугли (11.00, 13.00),
Отасининг қизи (16.00, 19.00).